



Sujet: 1995

## „Pizza Mania“

Ueber d' Mehrwertstüür wänd mir nit brichte,  
au nit über all diä Wirte richte  
wo mit 20 oder 30 Prozänt  
sich an eus gsundstosse wänt.

Stattdesse näme mir's Pizza – frässe uff's Korn,  
was do passiert, das goht uff kei Horn  
s'findet e richtigi PIZZA „MANIA“ statt,  
und alli frässe sich dra satt  
me frogt sich zwar scho, isch das normal  
denn so ne Pizza isch doch rächt banal.

Was PIZZA „MANIA“ isch, duett Euch sicher interessiere,  
Ihr miend gar nit lang studiere,  
suechsch uf dr Menu-Charte vorne und hinde,  
aber nienne chasch es Schwizer-Gricht finde  
so hocksch innere Beiz wo PIZZA „MANIA“ chrank isch,  
denn do git's numme ä PIZZA uffe Tisch  
somit chasch dini Röschti glatt vergässe,  
und muesch scho wieder ä PIZZA frässe.

Denn nit nur z'Prattele, nei überall,  
griegsch fang PIZZA, sisch katastrophal  
chasch bald in jedes Beizli go,  
g'sehsch immeme Egge dr Pizzaofe stoh  
will jedi Beiz wo sich findet dr Hit,  
macht bi dere PIZZA „MANIA“ mit.

Dr' Dario hets vor Joore t'scheggt,  
und z'prattele e Marktlucke entdeckt,  
Im Landhof oder d'Schüttestube,  
griegsch au PIZZA, am Mittag oder Z'obe  
und sogar d'Chrummi Eich,  
profiliert sich mit däm Saich  
do bechunsch, völlig ohni Sinn,  
für jedi PIZZA no ne Pin.

Wotsch emol z'Nachtässe ohni Stress,  
telefonirsch ganz eifach im PIZZA – Express  
nach 20 Minute hesch d'PIZZA uff em Arm  
wenn Glück hesch, isch sie sogar no warm  
nei, nei, so ne PIZZA – Express isch nit's gelbi vom Ei,  
drum machet d'PIZZA lieber sälber dehei.

Mir verteile au kei Lob,  
weder dr Migro no em Coop  
au nit eb Billi, nit em Denner,  
den dört isch's au en Renner  
Ihr wüset was mir meine, Gott sei Dank,  
PIZZA, gfreore, für de Tiefküelschrank.

S'isch halt grad wieder e'sone Mode  
Chasch froh sie, wenn sie versingt im Bode  
Für 15 Stutz, Funghi, Kapere mit Schinke,  
do mache mir nur winke, winke.

Uff sonnere PIZZA isch scho druff,  
doch s'Pries/Leistigsverhältnis got nit uff  
und irgendwen chunnt d'Gier und dr'Nimmersatt,  
und's Gschäft got den halt au bachab  
drum gäbe mir Euch e Tip, düend guet lose,  
jedi Wälle got emol in d'Hose.

30 Jahr in dr' Suppe riehere,  
au mir wänt dodezue gratuliere  
und gönnt nach em Umzug, ohni studiere,  
uff dr' Turnhalleplatz, go d' Suppe probiere  
denn weisch jo nie, s'isch nit zum lache,  
wenn diä nägcht Joor, jedem e PIZZA bache.